

國史館藏

清代傳記叢書



明文書局印行

清代傳記叢刊・綜錄類③
周駿富輯

碑

傳

集

(一)

卷一至
卷四

(清)

錢儀吉纂錄



明文書局印行

序



於戲盛哉自天命以
來王侯將相卿尹百
執事碩儒才彥之名
跡炳著於
國史矣而金鑱石室

220
之藏外人弗得見曩
承乏會典之後幸獲
展觀亦不敢私有寫
錄今乃采集諸先正
碑版狀記之文苟及
地志雜傳得若干篇

畧依杜氏大珪焦氏
竝之例以其時以其
爵以其事比而厭之
為若干卷其於二百
年文獻之林不啻嶽
之一塵海之一勺耳

果能口誦而心識焉
可以考德行可以習
掌故不徒飛文染翰
為耳目之玩已也或
一人之事雜見他書
者同時之跡及其子

孫言行有可稱者間
為增錄殿於本篇或
論一事而臧否不同
述一事而甲乙又不
同或推挹過當或沿
習忘反者亦往往有

之自知言者觀之固
可考信而不惑也而
要其大體主乎樂道
人善以為賢士大夫
畜德之助爰取湘東
王之事以名之後有

得者當為續次云
道光六年季春月嘉
興錢儀吉定廬甫識



錢塘諸可寶景爽

後序

嘉慶二十一年江西漕項奏銷冊達戶部列其目有里民津貼銀米者按部例無有謂外吏之私徵也嚴詰之三以何年始以何年徵皆不能

知惟雜舉乾隆以來漕督奏中嘗言之上溯雍正元年

諭旨亦嘗及之者以對部議以他省治漕皆無是願行之已久可無罷宜如舊徵而以其歲入解部備他用既定棄矣會予再莅雲南司檢舊牘見乾隆季年報部冊固有之縣歷數十年未嘗駁詰疑必有故今於其事之創始雖不可得詳既謂之津貼則必以濟運可知也若破除爲他用則運費不足而丁病州縣因以多取於下而民亦病且今將自乾隆以來盡追索之邪抑自今年始也進退皆無所據不若仍舊便尙書索綽羅公用子言更其案而解部之議寢時道光三年也後數年讀李穆堂侍郎所爲即溫勤公墓誌其事乃大明白江右多山谿道險漕糧以小艇木筏盤運於是甯里民津貼夫船費載於賦役全書康熙三十八年得

旨江右所屬州縣多處山陬百姓自願貼費運米水次者聽著爲令當是時部臣亦嘗議停減總督范公與郎公先後疏爭之漕運賴以濟侍

郎之言如是竊幸前者持議不刺謬又以見舊章之當博攷而文字之益爲無窮也久之讀八旗通志范承勳郎廷極傳言之益詳時方輯諸家碑傳蒐羅舊聞謂其有裨於實用也日奮不能以已遂書之以爲後序嘉興錢儀吉

碑傳集

類目

校刊記 沈吉上書刊

總目 一卷

作者紀畧

引用書目

合一卷以上爲首卷上下

宗室 二卷

功臣

分藩陽一國初二康熙朝二凡五卷

宰輔

分開國一明臣一康熙朝三雍正朝一乾隆朝三嘉慶朝一凡一

部院大臣

分國初二明臣一康熙朝六雍正朝三乾隆朝九嘉慶朝一

內閣九卿

三卷

翰林

九卷

科道

六卷

曹司

三卷

督撫

分國初二康熙朝六雍正朝一乾隆朝四嘉慶朝一凡一十四卷

河臣

二卷

監司

分國初二康熙朝三雍正朝一乾隆朝四嘉慶朝一凡一十一卷

守令 分國初三康熙朝九雍正朝三乾隆朝六嘉慶朝二凡二十三卷

校官 二卷

佐貳雜職 一卷

武臣 三卷

忠節 六卷

逸民 四卷

理學 三卷

經學 六卷

文學 六卷

孝友 四卷

義行 一卷

方術 一卷

蕃臣 一卷

列女 分賢明一孝淑一節操二列義四貞潔二合傳二凡一十二卷

附存文 一卷以下爲末卷上下

集外文 一卷

校刊記曰此一部爲類二十有五始天命紀元訖嘉慶朝止二百年中
王公大夫士庶統一千六百八十餘人列女又三百三十餘人采文五
百六十餘家都一百六十有四卷嘉興給事錢先生所纂錄也原編大
指具詳序言名凡屢更定從今號寓意原委語在桐鄉沈吉士善登書
中昔湘鄉太傅文正公序平江李氏箸
國朝先正事略首及此書謂曾屬先生從子今侍郎應溥寫其目錄自
別京師久從征役而此目錄冊者不可復覩序末又於尋訪錢氏遺書
三致意焉庚寅孟春權按察使平湖朱觀察之榛言於布政使貴筑黃
公彭年勦議校刊貴筑公因先生從孫青浦尹志澄來謁屬致全稿閏
月書至發篋觀之則積稿草至六十有九冊續編五冊目錄一巨冊案
題徵文乃知當時寫官眾多分鈔連綴其間敘次不侔有待釐定者開
卷皆是貴筑公於是立編訂之例原編惟康熙朝大臣卷因
世宗有本朝大臣以功則李之芳以德則湯斌爲首之諭故用李文襄
冠功臣之首湯文正領大臣之前而以陸清獻張清恪繼之遵
聖訓重從祀也自茲以外或依科目或稽卒年或夷攷其事其時排比
先後無相奪倫其有重出者汰之錯見者移併之續得者散入而附合

之注刪而未乙去者刊落之有一人而互見兩類者百僅二三則於大
題下明註之有文從節錄而非全載者亦於大題下明註之眉間側裏
朱墨標識審爲原筆分列注中者取資印證也錢氏先世碑傳數篇於
禮無改名傳者臨文不諱也又原編附存奏議雜文甚夥凡已見
皇朝經世文編者今皆不錄而仍著其名於篇終示有專書可檢也至
於傳寫譌敗理所不免難涉疑似一仍舊貫無逞臆妄改之失羣分類
聚井如秩如矣四月幾望貴筑公舉全稿付局責可寶獨任理董之役
鳩工開彫纔過四之一而貴筑公移官去去未三月而訃至觀察則遭
太夫人憂歸里矣可寶兢兢守貴筑公例意黽勉卒業洎今寒暑四易
而后全書告成功而觀察起復亦適來嗟夫何其難且幸哉去年秋可
寶被薦至京師侍郎殷勤致詢謂先生此稿保全焚後流轉吳蜀不圖
其梓行之迺在蘇局也夫文正公頻訪之而不必得其全貴筑公力傳
之而不必見其成信乎物之顯晦有時事之無定而若有定者固有天
焉以爲之宰邪抑亦文正公所云借名人之碑傳存名人之事蹟地下
達人傑士其靈爽不可終闕陰有相之者歟近今湘陰李氏有
國朝耆獻類徵初編四百十六卷之刻搜羅別集止三百餘家而史館